



# Rovviltnemnda i region 1

Vestland, Rogaland og Agder

Rovviltnemnda region 1

Dykkar ref:                      Vår ref.:                      Arkivnr.:                      Dato:  
2023/4024                      434.21                      15.03.2023

Innkalling til møte i rovviltnemnda region 1 måndag 27. mars 2023

Møtet er på Teams 27.mars kl. 09.00 – 10.00.

**Sak 01/23: Midlar til førebyggjande og konfliktdempjande tiltak. Driftsbudsjett for nemnda og kompensasjon til sekretariatet.**

## Saksopplysningar

Miljødirektoratet (Mdir) har fordelt midlane etter same fordeling som for 2022, **sjå vedlegg**. Tilskot til FKT 1420.73 vart auka i 2022 med 100 000 kroner. Bakgrunnen var at nemnda fekk tildelt 100 000 kroner ekstra for 2022 grunna omfattande jerveskade i Luster kommune i 2021. Tildelinga for 2023 er på same nivå som 2022.

Vi minner om rapporteringsfristen for bruken av tilskotsmidlane. Frå statsforvaltarane til Miljødirektoratet innan 21. januar 2024. Rapporteringsfrist for søkjarane er foreslått å vere 1.12.2023.

Reglane for tilskot til førebyggjande og konfliktdempjande tiltak føreset at alle søkjarar nyttar elektronisk søknadssenter, og at dei er sendt inn innan fristen 15.02.2023. Søknadssenteret skal og nyttast for rapportering av nytta tilskot. Dette føreset at statsforvaltarane handsamar søknadane i søknadssenteret og sett krav til rapportering.

Postadresse:  
Rovviltnemnda i region 1  
c/o Statsforvaltaren i Vestland  
Njøsavegen 2  
6863 Leikanger

Leiar for rovviltnemnda:  
Norlv Distad  
Vinjavegen 1, 5745 Aurland  
Telefon: 91374976

Norlv.Distad@vlfk.no

Rovviltnemnda region 1  
<https://www.rovviltnemnd.no/nb/region1/>

Sakshandsamar:  
Hermund Mjelstad  
Telefon 57643124

fmsfhm@statsforvalteren.no  
<http://www.statsforvalteren.no/vl>

**Forslag til fordeling er som følger:**

	Tilskot 142073	Tenestekjøp 142021	Drift 142021
Statsforvaltaren i Vestland	550 000*	175 000	424 000
Statsforvaltaren i Rogaland	150 000	75 000	25 500
Statsforvaltaren i Agder	150 000	100 000	25 500
Totalt for region 1	850 000	350 000	475 000

\* Inkludert reserve på 100 000,-.

**Vurdering og grunngeving**

Rovviltnemnda skal fordele rammetilskot til førebyggjande og konfliktdempjande tiltak til statsforvaltarane i regionen (1420.73) og gje overordna føringar for bruken til statsforvaltarane jf. «Regelverk for tilskudd til forebyggjande og konfliktdempjande tiltak i forhold til rovviltskader» (01.01.2013). Kap 10.2 i forvaltingsplanen for Region 1, «Førebyggjande og konfliktdempjande tiltak», vil vere retningsgjevande for bruken av rammetilskotet.

Framlegget til vedtak er basert på søknader om tilskot til statsforvaltarane, **sjå vedlegg**, innrapporterte behov frå statsforvaltarane, og kunnskap om rovviltførekomst og skadesituasjonen i dei ulike fylka. Fordeling av utgifter 1420.21 på rovviltnemnd og sekretariat er basert på bruken i 2022 og stipulert behov i 2023.

Rovviltnemnda må ta høgde for godtgjering av fellingslag i samband med skadefellingsforsøk og for behov for tilskot til akutte tiltak. Erfaringa viser at dette er vanskeleg å berekne på førehand. Desse reservesummane skal ligg inne i tabellen under som «akutte tiltak», men er ikkje fordelt enno.

Vi rår nemnda til å følgje statsforvaltarane sine prioriteringar, og til å gje tilstrekkeleg ramme for reservemidlar i utsette fylke. Vi vil som før peike på at det ikkje er høve til å gje tilskot til reine tilsynsprosjekt. Det er heller ikkje høve til å gje tilskot til uspesifiserte utgifter til skadefellingslag utanom pågåande fellingssituasjonar.

Utgifter til nemnda skal dekkast av 1420.21 *Drift av nemnder og sekretariat*. I tillegg skal kompensasjon for sekretariatet og fylkesvise vaktordningar dekkast innanfor denne ramma, kr 475 000,-. Sekretariatet foreslår kr 100 000,- til drift og løn til nemnda, kr 76 500,- til vaktordning for statsforvaltarane i beitesesongen ( kr 1 700,- pr uke i 15 veker pr. SF), og kr 298 500,- som kompensasjon til sekretariatet.

1420.21 *Tenestekjøp* skal dekke utgifter til forskning og utgreiing i regi av nemnda eller statsforvaltar. Det vil seie prosjekt som ikkje kan definerast som tilskot. Dette gjev samtidig klårsignal til at nemnda kan iverksette eigne tiltak på tvers av fylka. Dei enkelte statsforvaltarane må sjølv vurdere om nokon høgt prioriterte FKT-søknader kan omgjerast til kjøp av tenester. Vi foreslår at posten *tenestekjøp* blir fordelt mellom fylka til fylkesvise kjøp.

For alle fylka gjeld det at rovviltnemnda og statsforvaltarane må ta høgde for eventuelle behov for akutte tiltak i beitesesongen. Dette kan t.d. vere tidleg nedsanking og kostnader knytt til godtgjering av fellingslag dersom det blir aktuelt å iverksetje skadefelling etter 1. juni.

**Saksframlegg frå sekretariatet:****Framlegg til vedtak**

1. Rovviltnemnda i Region 1 fordeler tilskotsramme til førebyggjande og konfliktdempande tiltak, kjøp av tenester og drift av rovviltnemnda på dette viset for 2023:

	1420.73 Tilskot etter søknad	1420.73 Akutte tiltak	1420.21 Tenestekjøp	1420.21 Drift og løn
SF Agder	100 000	50 000	100 000	25 500
SF Rogaland	100 000	50 000	75 000	25 500
SF Vestland	350 000	100 000	175 000	424 000
Nemnda til disp.		100 000		
Til saman	550 000	300 000	350 000	475 000

2. Det skal ikkje utbetalast tilskot til reine tilsynsprosjekt utan i kombinasjon med andre tiltak. Statsforvaltarane har høve til å sette av ytterlegare midlar til reserve dersom det ikkje er omsøkt tilstrekkeleg beløp frå søknader som kvalifiserer til tilskot.

3. Det er sett av likt beløp til «akutte tiltak» til gjennomføring av betinga skadefelling i alle fylka ( med endringa som følgde av samanslåinga av fylkesmennene i Hordaland og Sogn og Fjordane). I tillegg er det sett av kr 100 000,- i reserve til nemnda sin disposisjon. Desse midlane vert nytta til gjennomføring av betinga skadefelling i dei fylka som måtte ha behov for det. Etter endt beitesesong og seinast innan 1. oktober ber nemnda statsforvaltarane rapportere inn unytta midlar til sekretariatet for nemnda (Statsforvaltaren i Vestland). Nemnda kan då omprioritere midlane til område og til tiltak som har behov for det. Nemnda kan då vurdere heile regionen sine behov, og ikkje berre behov innan det enkelte fylke.

4. Tilskot skal vere retta inn mot spesifiserte tiltak og kan ikkje nyttast til løn og drift av skadefellingslag utanom fellingsaksjonar, jf. rovviltforskrifta §§ 9 og 9 a.

5. Statsforvaltarane må ta høgde for godtgjering av skadefellingslag etter gjeldande satsar.

6. Bruk av tilskot til tidleg sanking skal vere i samsvar med forvaltingsplanen for Region 1 (kap 8).

7. For å få tilskot til førebyggjande eller konfliktdempande tiltak skal tiltaket avklarast med statsforvaltaren på førehand. Tilsegn skal vere skriftleg. Akutte tiltak kan avklarast pr. telefon eller e-post, men skriftleg tilsegn skal sendast så snart som råd.

8. Tildeling på 1420.21 kan nyttast til kjøp av tenester for å styrke arbeidet med førebyggjande og konfliktdempande tiltak.

9. Det er ikkje høve til å engasjere personell hos statsforvaltaren for gjennomføring av førebyggjande tiltak.

10. Tilskot frå 1420.73 skal prioriterast til tiltak retta mot husdyr. Statsforvaltaren kan likevel nytte deler av ramma til andre førebyggjande tiltak, jf. forvaltingsplanen kap. 10.

11. Mottakar av tilskot skal rapportere bruken innan 1. desember 2023 gjennom elektronisk søknadssenter. Rapporten skal innehalde ei evaluering av tapsreducerande eller konfliktdempande effekt. Statsforvaltarane skal rapportere bruken av tilskotsmidlane innan 21. januar 2024 til Miljødirektoratet og rovviltnemnda. Statsforvaltarane skal og rapportere effektar av tilskotet så godt det let seg gjere.

**Dette vedtaket er ikkje eit enkeltvedtak etter forvaltningslova, og kan ikkje klagast vidare.**

**Sak 02/23: Orientering frå Statens naturoppsyn om status for rovvilt i region 1.**

**Sak 03/23: Kvote for betinga skadefelling frå 01.06.2023 – 15.02.2024. Vedtak.**

#### *Saksopplysningar*

Etter forskrift om forvaltning av rovvilt § 8 skal rovviltnemnda fastsette kvote for betinga skadefelling av gaupe, jerv, bjørn og ulv til statsforvaltarane. Ein føresetnad er at vilkåra i § 7 er oppfylte. Løyva kan nyttast i akutte skadesituasjonar for å hindre skade på bufe. Løyva gjeld for perioden 01.06.2023 – 15.02.2024.

Vilkåra er i dette høvet krav om at vedtaket bygger på bestandsdata frå nasjonalt overvåkingsprogram for rovvilt. For bjørn og ulv skal nemnda ta utgangspunkt i siste års yngling. For jerv og gaupe skal ein bygge på gjennomsnitt av dokumenterte data om ynglingar dei siste 3 åra. For region 1, som ikkje har nasjonale mål om ynglingar for nokon av desse artane, er ikkje desse måla avgrensande for nemnda sitt høve til å treffe vedtak om felling, men ein må likevel ta omsyn til naturmangfaldlova § 5, som sett krav om forvaltingsmål for artar. § 7 legg til grunn at nemnda følgjer forvaltingsplanen i sine vedtak, til dømes om felling. Kunnskap om rovviltartane og om skadesituasjonen skal ligge til grunn for vedtak. Etter vedtak om kvote skal all irregulær avgang av rovvilt belastast den same kvota.

Rovviltnemnda sitt vedtak etter § 8 er eit enkeltvedtak som kan påklagast til Klima- og miljødepartementet innan 3 veker frå vedtaket er gjort kjend. Statsforvaltarane sine vedtak om iverksetting kan og påklagast. Miljødirektoratet er klageinstans i desse høva.

#### Gaupe

Rovviltnemnda vedtok at det ikkje skulle vere kvotefri gaupejakt i regionen for 2023. Vedtaket vart påklaga, nemnda opprettheldt vedtaket og saka vart oversendt Klima- og miljødepartementet. Klagen vart der avvist med grunngjeving at det ikkje var klagerett på eit slikt vedtak om ikkje å ha kvotejakt.

I Rovbasen, for perioden 01.04.2022 til i dag 08.03.2023, er det nokre få sikre observasjonar frå regionen (tre sikre observasjonar, to i Vestland og ein i Rogaland). I Skandobs ligg det inne nokre fleire (fire) observasjonar frå regionen. Skandobs er eit ope registreringssystem der alle kan legge inn observasjonar, men dei blir ikkje kvalitetssikra anna enn meldingar om t.d.

ynghing av gaupe. Til forskjell frå Rovbasen til Miljødirektoratet der alle opplysningar er kvalitetssikra.

Bestandsstatus i Noreg før kvotejakta i 2022 ble rekna til ca. 58,5 familiegrupper. Dette er under det nasjonale bestandsmålet på 65 årlege familiegrupper.

### Jerv

Nemnda vedtok ein lisenskvote på 8 jerv som kunne fellast i heile regionen i lisensfellingsperioden 2022/2023. Ved lisensslutt 15. februar var ingen jerv felt. I beitesesongen 2022 vart det berre registrert tre jerveskader i region 1, i Luster og i Stryn kommune (Vestland). Ingen jerv er felt i regionen etter siste ekstraordinære uttaket av jerv i Luster 06.04.2022.

Observert jerv, eller jervespor, dokumenterte og ein usikker i tida etter 01.10.2022 og fram til 08.03.2023. Dei aller fleste er frå Luster kommune (18 av 21), den usikre er frå Agder (Hægebostad). Sjå figuren under for plasseringar.



Figur. 1. Oversikt over jerveobservasjonar i tida 01.10.2022 – 08.03.2023. Observasjonen i Agder er usikker, dei andre er sikre. Data frå Rovbasen.

Det ble registrert 45 jervekull i Noreg i 2022, ein nedgang på 15 kull frå 2021 . Omrekna til individ er dette berekna til om lag 350 vaksne dyr. Det nasjonale bestandsmålet er på 39 årlege kull.

### Ulv

Ingen nye sikre ulveobservasjonar eller fellingar i regionen sidan vinteren 2021 (15.januar, Hyllestad). Usikre observasjonar i Eidfjord (14.08.22), Kvinesdal (26.05.22) og Tysvær (4.2.22).

I vinter er det påvist 83-39 ulvar innanfor landets grenser. 34-37 ulvar er berre påvist i Noreg. Det er dokumentert tre valpekull i heilnorske revir og seks i grenserevir.

Bestandsmålet for ulv er 4-6 årlege ulvekull i Noreg og i grenserevir, der minst tre kull skal vere født i heilnorske revir.

### Bjørn

Ingen observasjonar siste året og heller ingen skadesaker.

Bestanden for landet ( om lag 8,1 ynglingar) ligg framleis under bestandsmålet for bjørn på 13 årlege ynglingar.

### **Erstatningar i region 1 i beitesesongen 2022:**

Fylke	Tal søknader	Totalt tap	Erstatta	Erstatningsbeløp
Vestland	31*	Sau 138/Lam 611	Sau 15/ Lam 165	Kr 473 682
Vest-Agder	7	Sau 23/Lam 192	Lam 100	Kr 245 574
Rogaland	5	Sau 9/ Lam 101	Sau 1/ Lam 35	Kr 86 458

\* Inkludert ein søknad på tap av geit.

### *Vurdering*

Før vedtak om felling skal nemnda vurdere saka etter naturmangfaldlova kap. II. Kravet til bestandsmål for naturleg førekommande arter etter § 5 er i ein særstilling for rovviltartane, sidan Stortinget har vedteke konkrete nasjonale mål for årlege ynglingar. Ulv ligg i dag noko over dette målet, jerv ligg over målet, gaupe ligg noko under målet og bjørn ligg under målet. Regionar med ansvar for ynglingar og rovviltsonar har eit spesielt ansvar for å nå måla, men også region 1 må ta sin del av ansvaret for langsiktig overleving. Sjølv om regionen er eit beiteprioritert område.

Naturmangfaldlova § 7 seier at §§ 8-12 skal leggest til grunn som retningslinjer ved utøving av offentleg mynde. Kravet til kunnskapsbasert forvaltning (§ 8) er stort sett sikra i vedtak som angår rovvilt. Kunnskapen om bestandane er god. Vi vurderer det slik at kunnskapen er tilstrekkeleg god til å kunne vedta kvoter i region 1. Tilfeldige innvandringar og hendingar vil uansett avgrense høvet til å vere føreseieleg eit år fram i tid.

Føre-var-prinsippet (§ 7) er ikkje like relevant med så detaljert kunnskap som det er på rovviltområdet. Ein kan likevel argumentere for at når t.d. ulv og gaupe er i nærleiken av bestandsmålet, vil eit for stort uttak kunne komme i konflikt med langsiktig overleving og § 5, men det er uansett ei større utfordring for dei regionane som har bestandsmål.

Rovviltet døyr stort sett av felling. I høve til samla belastning jf. § 10 kan ulovleg felling eller skadeskyting vere eit problem for enkelte artar. Gjenfangst av DNA-identifiserte jervindivid tyder ikkje på at det er eit stort problem her.

#### **Jerv:**

Bestandssituasjonen for den delen av jervebestanden som har innverknad på vår region, synast vere nokolunde stabil. Det er meldt inn stor sporaktivitet frå deler av Vestland, men det er ikkje registrert aktivitet sør på Hardangervidda og inn i Rogaland/Agder. **Vi foreslår same kvote som i fjor, 8 jerv.** Pr i dag har det ikkje vore ekstraordinære uttak av jerv i regionen.

#### **Gaupe:**

Det vil vere rett å ha ein kvote for å sikre raskt uttak av gaupe, dersom det oppstår skade. Spesielt med tanke på at det ikkje var kvotejakt i vinter. **Vi foreslår ein kvote på 2 gauper.**

#### **Ulv:**

**Vi foreslår ein kvote på 3 ulv.** Dersom det er mogleg vil det vere viktig å få informasjon om genetisk opphav til ulv for å hindre at viktige individ blir felt.

#### **Bjørn:**

Ut frå førekomsten av bjørn i regionen meiner vi **kvote på 1 dyr** er tilstrekkeleg.

#### **Framlegg til vedtak**

*I perioden 01.06.2023 til 15.02.2024 kan statsforvaltarane i region 1 nytte desse kvotane for betinga skadefelling:*

<b>Art</b>	<b>Tal</b>
Jerv	8
Gaupe	2
Ulv	3
Bjørn	1

*Nemnda kan til ein kvar tid trekke kvotane tilbake dersom ny kunnskap gjer det naudsynt. Irregulær avgang blir belasta kvoten.*

*Iverksetting av løyva skal vere i samsvar med gjeldande forskrifter og forvaltingsplanen for regionen.*

*Nemnda sitt vedtak kan påklagast innan 3 veker frå vedtaket er motteke. Klaga skal handsamast av Klima- og miljødepartementet, men sendast til rovviltnemnda.*

#### **Sak4/21: Orienteringar**

-KLD avvising av klage på nemnda sitt vedtak om ikkje å innføre kvotefri gaupejakt for 2023.

#### **Sak 5/21: Eventuelt**

Vedlegg (elektronisk):

- Brev 23.02.2023 frå Miljødirektoratet om fordeling av FKT-midler.
- Søknader pr. 15.02.2023 om tilskot til førebyggjande og konfliktdempjande tiltak frå statsforvaltarane i Agder, Rogaland og Vestland.
- Brev frå KLD om avvising av klage på kvotefri gaupejakt
- Brev frå Vestland Bondelag til Miljødirektoratet om trong for ekstraordinært uttak av jerv

Med helsing

Noralv Distad  
leiar for rovviltnemnda

Kopi pr. e-post m/vedlegg:

- Statsforvaltarane i Region 1
- SNO v/Rein Arne Golf og Jon Erling Skåtan
- Mattilsynet
- Vestland Bondelag
- Rogaland bondelag
- Agder Bondelag
- Sogn og Fjordane sau- og geit
- Hordaland sau- og geit
- Rogaland sau- og geit
- Vest-Agder sau- og geit
- Naturvernforbunda i region 1
- WWF
- Foreningen Våre Rovdyr
- NOAH - for dyrs rettigheter
- Norges Miljøvernforbund
- Sogn og Fjordane jeger- og fisk
- Hordaland jeger- og fisk
- Rogaland jeger- og fisk
- Vest-Agder jeger- og fisk
- Sogn og Fjordane bonde- og småbrukarlag
- Hordaland bonde- og småbrukarlag
- Rogaland bonde- og småbrukarlag
- Vest-Agder bonde- og småbrukarlag



Adresseliste rovviltnemnda medlemar pr. e-post:

Noralv Distad, [noralv.distad@vlfk.no](mailto:noralv.distad@vlfk.no)

Trude Brosvik, [trude.brosvik@vlfk.no](mailto:trude.brosvik@vlfk.no)

Sigbjørn Framnes, [sigbjorn.framnes@vlfk.no](mailto:sigbjorn.framnes@vlfk.no)

Hanne Marte Vatnaland, [hanne.marte.vatnaland@rogfk.no](mailto:hanne.marte.vatnaland@rogfk.no)

Beate Marie Johnsen, [beate.marie.johnsen@politiker.agderfk.no](mailto:beate.marie.johnsen@politiker.agderfk.no)

Varamedlemar:

Arve Helle, [arve.helle@vlfk.no](mailto:arve.helle@vlfk.no)

Natalia Golis, [natalia.antonio.golis@vlfk.no](mailto:natalia.antonio.golis@vlfk.no)

Sigurd Reksnes, [sigurd.reksnes@vlfk.no](mailto:sigurd.reksnes@vlfk.no)

Ole Ueland, [ole.ueland@rogfk.no](mailto:ole.ueland@rogfk.no)

Janne Nystøl, [janne.nystol@politiker.agderfk.no](mailto:janne.nystol@politiker.agderfk.no)